

Idioma griegu

El **griegu** ye una llingua indoeuropea con más de 3.000 años d'história y estrémase ente griegu clásicu y griegu modernu o *demotikí*. El clásicu foi la llingua oficial de Grecia hasta 1976 añu en que la fin de la dictadura de los coroneles fixo que'l demóticu s'impusiere definitivamente. Tamién ye oficial na fastera griega de Xipre.

Esti idioma escríbese n'alfabetu griegu.

Dialeutos del griegu clásicu

- **Xónicu**: Falábase n'Eubea, nes Islles Cíclades y na rexón d'Asia menor que comprende Esmirna, Éfeso y Mileto. Esti dialeutu ye la base de la llingua d'Homero, Hesíodo y Heródoto.
- **Eólicu**: Fastera norte de la costa d'Asia Menor, na islla de Lesbos, en Tesalia y en Beocia.
- **Dóricu**: Noroeste de Grecia, el Peloponeso, la fastera sur de la costa d' Asia Menor, les islles de Creta y Rodes na *Magna Grecia*.
- **Áticu**: Atenes y los alrededores. El griegu que a s'estudia como modelu de llingua de la antigüedá ye esti, cultiváu na lliteratura principalmente nos siglos V e.C., tamién conocíu como'l "Sieglu de Pericles" y nel IV e.C.: Esquilo, Sófocles y Eurípides, el poeta cómicu Aristófanes, los historiadores Tucidides y Xenofonte, el filósofu Platón y los oradores Lisias, Demóstenes y Esquines.

La llingua común

Tres la unificación de Grecia con Filipu de Macedonia, el dialeutu áticu, impúsose como llingua de cultura nel mundu helenísticu, estendiéndose por tou'l Oriente Prósimu coles conquistes d'Alexandru'l Grande. Esta yera la llingua común o *koinè glôssa* (ἡ κοινὴ γλῶσσα). N'ella escribieron, ente otros, el filósofu Aristóteles, l'historiador Polibio y el moralista Plutarco. Dempués vendría la redaición del Nueu Testamentu y la traducción del Antiguu.

Sacáu de «https://ast.wikipedia.org/w/index.php?title=Idioma_griegu&oldid=2753663»

La última edición d'esta páxina foi el 27 xin 2020, a les 17:45.

El testu ta disponible baxo la Llicencia Creative Commons Reconocimientu/CompartirIgual 3.0; puen aplicase otres cláusules más. Llei les condiciones d'usu pa más detalles.